

Sakspapir

| Saksbehandlar | Arkiv | ArkivsakID |
|----------------------|---|------------|
| Hans Kristian Dolmen | HistSak - 10/2055, Gbnr - 45/157, PlanID - 125620110002, FA - L13 | 14/2091 |

| Saksnr | Utvalg | Type | Dato |
|---------|------------------------------|------|------------|
| 52/2014 | Utval for drift og utvikling | PS | 03.06.2014 |

Reguleringsplan Bergotunet - 4.g. handsaming for Offentleg ettersyn og høyring

Vedlegg:

Føresegner Regplan Bergotunet 210514

Plankart Regplan Bergotunet 300414

REGULERINGSPLAN BERGOTUNET - 3. GONGS HANDSAMING. GODKJENNING. (L)(303966)

Saksopplysningar:

Bakgrunn

Arbeidet med framlegg til reguleringsplan for den sentrale delen av Vikebø/Rossland har gått over lang tid. Først i eit større planområde og seinare med ei mindre utviding. Framlegget til plan legg til rette for utvikling av eit mindre og tilpassa sentrumsområde som opnar for næring, bustad og tenesteyting.


Utfordringa i den seinere delen av denne planprosessen har vore utforming av trafikale tilhøve som både stettar krav til utforming langs og på begge sider av fylkesvegen, tek i vare avkøyringar til eksisterande eigedomar og på avgrensa areal tryggar myke trafikkantar på ein god nok måte. Særskilt utfordrande har det vore å oppfylle dei standardkrav som vert stilt til busstopp og avkørsler. Etter diskusjonsmøte med tiltakshavar, plankonsulent, Statens vegvesen og administrasjonen har ein vorte samde om ei mogleg utforming.

Framlegget til plan har fleire gonger tidligare vore sendt ut til offentleg ettersyn og høyring og skal vere kjent for naboar og andre berørte. Etter ny gjennomgang av merknader og krav til utforming med hovudfokus på trafikktrygging, er plankart og føreseger endra på ein slik måte at det er naudsynt med nytt offentleg ettersyn og høyring.

Vedlagt til saka ligg tidligare handsaming og vurderingar knytt til planområdet. Under vurderinga her vert det berre teke opp dei endringane som er føreslege etter førre ettersyn og høyring. Endringane gjeld i all hovudsak areal og eigedomar på austsida (skulesida) av fylkesvegen.

Vurdering

Av utsnitt frå plankarta nedanfor er skilnaden mellom tidlegare og nytt framlegg vist. For å sikre dei naudsynte grepene knytt til trafikktryggleik har det vore naudsynt å innlemme eigedomar på austsida av vegen. Ei kanalisering av trafikk til Skintveitvegen som medfører at Rosslandsvegen vert lagt om har vore ein skildra konsekvens i lang tid, men detaljutforminga har mangla. Vidare vert avkøyrsla for gnr 45 bnr 71 (B/F/K01) tilpassa med gjennomgående og nedsenka fortau. For gnr 45 bnr 70 (F/K01 - gamle Coop) og bebuarane i Rosslandsvegen skal utforminga av tilkomst bli meir ryddig. Parkering på PP05 er i houvsak knytt til F/K01.



Eigedomane gnr 45 bnr 70 og 71 (F/K01 og B/FK01) har det i utgangspunktet trangt og kan ikkje sjåast på som utviklingseigedomar til næring. Med det meinast å byggje mykje nytt og stort. Planframlegget er meir ei stadfesting av eksisterande situasjon. Det er likvel lagt til eit areal mellom dei eksisterande bygga som kan utnyttast til næringsformål. Parkeringsituasjonen er slik at det ikkje er lagt til rette for nye bueiningar i desse to områda.

Når det gjeld tilpassing og oppfylling av krav til trafikktryggleik er det ein rekke detaljar som har vore naudsynt å justere. Trafikktrygging har lagt til grunn for den utforminga som no ligg i plankartet, mellom anna har ein søkt å sikre at:

- Busstopp vert universelt utforma og får rett lengde i begge retningar
- Busstoppa ikkje «overlapper» kvarandre»
- Leskur vert plassert hensiktsmessig
- Det vert fullnøyande utforming av fortau/GS-vegar
- Utmoringa av kryss til skulen (Skinntveitvegen) og Stekkeviksvegen vert fullnøyande både for mjuke og harde trafikantar
- GS-vegen vert kopla mot Rydland
- Det vert lagt til rette for å føre GS-veg vidare mot Skjelanger
- Det vert lagt til for krysning av vegen på naturleg punkt (høgste i området) og mellom busstoppa
- Avkjørsle til eksisterande bustad- og næringseigedomar vert ivaretakne

Føresegns og rekkjefølgje

Når det gjeld føresegngene til plan er dei i mindre grad endra, unntake når det gjeld gjennomføring og krav til rekkjefølgje (§ 2.3). Ein kan kortfatta seie at rekkjefølgjekrava er utforma slik at den sentrale delen av trafikkanlegget, som i denne tydinga femner om hovudvegen (FV), busstopp, GS-veg, tilkomst og avkjørsler, skal vere opparbeida før andre tiltak kan ta til. Vidare er det til dømes gjeve rekkjefølgje for kva som skal ferdigstillast dersom det i første omgang berre vert bygd ny butikk, eller omvendt berre bustadar og eller bygg for tenesteyting.

Folkehelse

Planframlegget rører i all hovudsak ved temaet trafikktrygging. Omgjevnadene kring planområdet er utbygd med høve for fortetting og nybygging. I nærområde er det skule, omsorgsbustader og kort avstand til idrettsanlegg. Innanfor planområdet gjeld mest fokus på detaljutforming knytt til fredsle og kollektivtransport. Målsetting etter gjennomføring er at området skal stå fram som meir ryddig, oversiktlegr og kan vere med å gje kjensle av å kunne ferdast trygt. I høve til universell utforming skal dette takast omsyn til for alle offentlege område eller anlegg og når det gjeld utfomring knytt til bygg vert dette fanga opp i naudsynt grad i byggjesaksforskriften (TEK10).

Miljø

Omgrepet miljø kan vurderast på fleire vis. Ved gjennomføring vil det skapast eit miljø der folk i alle aldrar kan ferdast trygt. Utforminga av nybygg skapar eit mindre tun som ligg i nær samanheng med eksisterande infrastruktur. Ein får lagt til rette for bustad, tenesteyting og forretning ved fortetting som både rettar seg mot eksisterande struktur og ligg innanfor det «gamle sentrum». I høve til målsettingar om nettopp utnytting av tilgjengeleg areal innanfor område som allereie er tatt i bruk, vil utbygging her vere eit pluss.

Økonomi

I høve til plassering av planlagde nye tiltak bør ikke kostnader knytt til opparbeiding av naudsynte tilhøyrade anlegg ikkje vere vesentlege. Byggjeplassen er omkransa av eksisterande infrastruktur som kan nyttast før, under og etter anleggsperioden. For Meland kommune vil gjennomføring av planområdet medføre svært lite nye veganlegg for overtaking. I høve til vatn og avlaup er det ein del eksisterande anlegg i området, og utbygging vil føre med seg nokre nye. Sannsynlegvis vil det vere naudsynt at teknisk avdeling er med i prosessen alt når prosjekteringen tek til.

Konklusjon

Med bakgrunn i tidlegare handsaming av saka (sjå vedlegg) og gjennomgangen her vil administrasjonen tilrå at endra framlegg til reguleringsplan for Bergotunet vert lagt ut for offentleg ettersyn og sendt på høyring.

Framlegg til vedtak:

Utval for drift og utvikling legg endra framlegg til reguleringsplan for Bergotunet, planid 1256 2011 0002, ut på nytt offentleg ettersyn og høyring i medhald av plan- og bygningslova § 12-10, jf plankart av 300414 og føresegner av 210514 .»

Utval for drift og utvikling - 52/2014

UDU - behandling:

Framlegg til tillegg til vedtak i møtet:

Framlegg til vedtak som administrasjonen, men med tillegg av «men med endring av føresegnehene § 3.1 pkt 2 til:opparbeidd parkering for min 2 bilar pr Rueining.»

**Administrasjonen sitt framlegg til vedtak med tilleggsframlegget i møtet vart samrøystes vedteke
(FrP, H, AP, MDG, SP)**

UDU - vedtak:

Utval for drift og utvikling legg endra framlegg til reguleringsplan for Bergotunet, planid 1256 2011 0002, ut på nytt offentleg ettersyn og høyring i medhald av plan- og bygningslova § 12-10, jf plankart av 300414 og føresegner av 210514, men med endring av føresegnehene § 3.1 pkt 2 til:
.....opparbeidd parkering for min 2 bilar pr Rueining.»

Hans Kristian Dolmen
arealplanleggjar